

河  
防  
疏  
略

河防疏畧卷之十三

義烏朱之錫梅麓甫著

闕里屬員孔貞來起元訂  
稽山後學徐沁埜公輯

覆河防利弊六款疏

題爲恭陳河防利弊以備

採擇事順治十七年十一月十三日准工部咨開都水  
清吏司案呈奉本部送工科抄出該本部覆山西  
道試監察御史余縉題前事等因順治十七年九  
月二十二日題十月初三日奉

旨工部議奏欽此欽遵於十月初五日抄出到部送司奉此相應議覆案呈到部該臣等案查河南河工先經總河臣朱之錫題爲特議建設柳園事又河南前任按臣李及秀題爲河夫之徵派當更等事又臣部前任右侍郎張縉彥題爲河工

國之大政等事又河南前任按臣李粹然題爲瀝陳堡夫之劇累等事俱經臣部題覆奉

旨遵行在案今據臺臣余縉以疏鑿宜講採青宜禁濱河居民宜卹遠郡夫役宜免堤柳護視宜勤場廩

舊制宜復六款條議前來查得條議數款關係河道但應興應革臣部難以懸議相應請

勅總河臣會同河南撫臣查照疏開各款逐一詳酌妥確據實具

題以憑議覆可也等因順治十七年十月二十三日  
題本月二十五日奉

旨依議行欽此欽遵抄出到部送司奉此相應移咨案呈到部移咨署河臣苗澄准此隨經備行河南布政司管河道查議去後該臣復又屢檄嚴催嗣據

布政使徐化成署管河道南河同知崔維雅會詳  
前事呈稱查看得黃河一役歲費數萬金錢曾不  
得一勞永逸之計非綢繆之未善誠水性之靡常  
耳然非局中之人身親經歷必不能懸揣臆度今  
奉覆議御史余縉條陳六款轉行沿河府縣各官  
詳加酌議深得河防肯綮相應逐款會議仰祈轉  
覆用禪河工者也一疏鑿之政宜講也會議得水  
性涵湧伏秋之交其勢更甚是以所築堤岸雖極  
堅固每多坍塌之慮今議於水勢平緩之際早爲

相度河形預爲開濬分爲支流導其衝激之勢然後下埽修築則成功爲易而議估亦可因之節省也一採青之弊宜禁也會議得捲埽柳枝向照歲修工程按地派柳令民自運給以價值原不用河夫恣行砍伐因而啓其詐端以致果木殘毀復有看守撥運之累相應復其民運舊例則詐騙諸弊不禁而自戢矣倘有潰決堵塞意外險工隨時權宜又不在於此議也一濱河之居民宜卹也會議得近河居民貧苦之狀原疏甚悉其雜差似可豁

免以示存卹至堡夫課程一項奉有歷陳堡夫之劇累等事一案見今查造工食足額缺額酌補文冊應俟部議定奪至於採運劈柴久已奉行禁革無容再議一遠郡之夫役宜免也會議得歲修河工應用夫役業經前按院李御史題定照地畝之多寡計程途之遠近僉派近又奉有按院劉御史特疏另議應聽部覆定奪可也一堤柳之護視宜勤也會議得沿堤植柳勤加培養旣可以備捲埽之用而根株盤繞更可以鞏固堤根此誠不易之

良法嗣後應令管河廳官時加巡察專責各縣丞簿督率堡夫於無柳之處多加栽植有柳之處常川守護務令長成無俾折損可也一場廠之舊制宜復也會議得濱河州縣舊有柳場草廠及蔴芟蘆纜堆積之處設立廠書廠夫以司登記出入看守之役今日久廢弛漸成侵盜耗蠹之弊相應照舊設立以資蓄備以濟急用可也等因到臣該臣復行查議去後今據管河道荆世爵呈蒙總河部院憲票前事內開仰道即便轉行南北歸三河廳



查照前項條議復加酌妥如第一款挑挖引河原係挽其頂衝令就徑直如云分爲支流則河不兩行尚非確論况歷年工程有挑引河者有不挑引河者若止云成工爲易何不概挑引河其間引河雖挑河之行否是否可必或險工形勢如何者可挑如何者不可挑是否有別抑或挑河之工小則易行大則難舉仍須分說明白第二款採青既有許多不便自應極力禁革至於意外險工隨時權宜其險工難以暫待與派買未能遽齊緣由尚欠

了然第六款歷年看守物料作何責成設立廠書  
廠夫是否不致擾民或近河州縣一概增設或估  
有埽工州縣然後於估冊內造入工食但萬一工  
停餘剩物料責誰看守抑或廠書卽以收料衙官  
書手克役廠夫卽以本縣河夫克役是否長便亦  
應通長酌妥逐一詳看限文到五日內詳報以憑  
具

題不必轉行州縣致耽時日速速等因蒙此隨行南  
北歸三河廳確議去後嗣據覆議前來該本道覆

看得挑濬引河無非改曲求直挽南北之頂衝以  
固埽堤耳如議挑者須當度其地理形勢如曲折  
洶灣坍塌似乎易成集夫挑挖導水順流保其堤  
埽無虞而事半功倍此引河應挑者若形勢頂衝  
無有曲折直射坍塌力不能挽工則難舉惟下埽  
幫堤堵護保其不測此引河不應挑者但引河挑  
成則大河改流與否難以預必在放引河之際水  
勢徑趨愈衝愈濶以奪全河之水可除衝塌之患  
矣如開引河之時水勢平緩不復再漲致沙淤塞

任其勞勩疏鑿亦爲無益也總之黃河變遷通塞  
靡定惟在相機酌調耳採青之弊宜禁但採諸民  
間莫若照地派運不惟省砍伐之擾且免偏苦之  
歎至於衝決大工搶救一時不得不在附近採取  
以救燃眉似難拘於此例場廠之舊例宜復埽料  
錢糧關係甚重非廠書廠未監守收支憑何責成  
濱河州縣自應一體設置以便督責其工食應查  
舊額支給廠書卽以河官書手充役廠夫卽以河  
夫充役至餘剩物料卽責成該夫看守既有

工食自宜常川伺候似屬妥便等因到臣臣查廠書版夫一欸尚欠妥便復行票議今據該道呈蒙總河部院憲票前事仰道卽查廠書版夫工食原額若干出於何項旣係河書河夫又議支給版役工食是否重支應否另選殷實克役卽刻議妥回報立等繕疏具

題毋遲速等因蒙此該本道覆查得廠書版夫工食原有舊額就近調查祥符縣條鞭錢糧確數文冊內開版書每名原額工食銀七兩二錢版夫每

名原額工食銀六兩廠書廠夫久已奉裁止除荒  
徵熟解交河庫以備河工支用今議以河官書手  
克應廠書其河官書手自有本身應得工食於河  
夫內選克應廠夫則河夫既免其修築工程自非重  
役亦不必額外另給工食糜費河帑惟每年於河  
夫正身內揀選平素守法殷實無碍者取具里長  
保結克應廠役則廠存物料責成廠書廠夫似爲  
妥便等因到臣該臣看得河患惟河南爲甚而修  
防之嚴密夫料之繁多較之他省尤費區畫此臺

臣余縉所以據其前任封丘閱歷於塞決大工者見之敷奏而有河防六款之議也臣轉行司道屢加詳議揔查得疏鑿之政宜講一款河溜所衝無堅不克雖重堤累埽而坍塌蟄陷補救不遑故莫善於挑引河一着但形勢不同引河有可挑不可挑之異水性難定挑引河又有得成不得成之異是又在司河者相機設防期不致於潰決成害耳採青之弊宜禁一款歲修柳料均派均運原不專事採青已經臣於夫柳爲河工大弊等事敬陳河

工官見等事疏內詳議具

題部覆奉有

俞旨立案但歲修之工可以先期估派陸續催交至於  
河勢驟變搶塞決工事機之來爭在呼吸若俱俟  
一一分派運到而後舉事則險者必潰已潰者必  
致不易收拾連年如塞雷家集決口槐疙疸決口  
皆於境內亟採曠地堤路柳枝不動錢糧幸而告  
塞已事昭然似又不便膠執一端坐成貽悞惟是  
嚴禁河夫殘毀園圃果木及借端索詐有犯重寃



不致擾民可也濱河之居民宜卹一欵查兩岸堡夫率皆取之傍河居民旣已効力河干何堪復克別役所有本身門夫雜差似應量與豁免以示體卹至於劈柴一項嚴禁已久併堡夫應辦課程俱經前撫臣賈漢復於瀝陳堡夫之劇累等事疏內查明具

題部覆奉

旨 在案相應仍照部咨通飭遵行者也遠郡之夫役宜免一欵河夫苦役凡人之情未有不好逸而惡勞

者但塞決大工尚不免調及各省每年歲修夫數雖少遠地旣曰宜卹近者又曰河患原關通省不宜偏累近地之民前按臣李及秀條陳疏內固已曾言之矣况臣前覆按臣李粹然河夫之徵派當更等事一疏河南一省原係分別遠近照地出夫其在五百里外者仍議間年始一調用未嘗不曲示寬卹至云免僉河夫派以供兵喂馬等役則差徭各有分隸遠近未必相當彼此紛紜似屬不便現今按臣劉源濬復有免夫解銀之議容臣會同

撫臣另議具

題以聽部覆可也堤柳之護視宜勤一款河防之法全資柳料若樹藝不繁即使錢糧不乏人力衆多亦終於束手無策耳查部覆前河臣楊方興遵

諭敬陳河道錢糧一疏內開河干一帶有栽柳三萬株及二萬一萬株者分別叙錄有栽柳不及三千株并全不栽者分別叅處總河臣

題報臣部具覆請

勅吏部查照勸懲奉有

俞旨臣前者特議建設柳園一疏濱河州縣各置柳園  
數處栽植柳株秋冬驗明行以勸懲之例亦准部  
覆奉

旨。在案。但作何叙錄。未有定議。應印各官合無定例有  
能自置柳園栽至二萬株以上者。許將柳園地名  
栽過柳株呈報該道。務於秋冬之時。驗明成活確  
數具結報臣准與具

題紀錄其動支官價置買柳園者。務至三萬株方准  
紀錄。如有怠於栽植及柳株枯損不行補栽者。指

名

題叅分別議處庶勸懲明而鼓勵爭先修防有賴是亦節帑甦民之一大端也場廠之舊制宜復一欵建廠貯料仍設廠書以資登記設廠夫以資看守原係舊例特緣工食除荒裁革已久今議廠書卽於河官書手內選充廠夫卽於河夫正身內殷實守法者選充工食不必別議而責成旣切稽覈自是倍嚴矣旣經該司道詳議前來臣覆詳酌妥確謹會同撫臣彭有義合詞具

題伏乞

勅部議覆施行

順治十八年十月初十日題本月二十九日奉

旨工部知道

再舉申明激勸大典疏

題爲申明激勸大典事順治十八年八月二十一日  
准吏部咨開文選清吏司案呈奉本部送吏科抄  
出該本部會覆總督河道朱之錫題前事等因順  
治十八年閏七月初五日奉

旨依議欽此欽遵抄出到部送司相應會同議覆該吏  
部都察院謹遵

旨會議得總督河道統轄五省屬員頗多與巡撫止轄  
一省者不同令每年河工告竣所薦官員議定額

數應薦差出部司方面共五員有司十員佐貳四員若逾定額不係管轄之官聽部院叅處所薦之官不准註冊如在定額之內俱准註冊奉

旨之後行令該督照新題定例薦舉可也理合具覆恭候

命下轉行遵奉施行等因順治十八年八月初六日奉旨依議本內漢字首行遺落等衙門字着添補飭行欽此欽遵抄出到部移咨到臣准此案照河屬歲修例應甄別節經



題明奉有

俞旨今順治十七年河防告竣臣隨檄行各屬造報賢  
否去後據各司道冊報前來臣復嚴加檢覈苟於  
河道無關卽他政可稱不敢濫登薦格果於河道  
有裨雖他事難料不忍遽沒成勞謹遵定數彙列  
薦剡以昭鼓勵至於闕茸溺職照揭叅處所有應  
薦官十九員應劾官五員謹臚列爲我

皇上陳之

計開

應薦部司方面官五員

北河分司工部主事楊毓蘭築堤疏淺區  
畫奔馳不遺餘力重運經臨多方驅僨  
二千餘里之內片帆無阻可稱勤勞之  
最係東竟道張弘俊開報

河南左布政使徐化成督徵河銀催辦夫  
料殫力本行各屬諉玩之習爲之一變  
河防重計深賴勩勤係河南按察使范  
廷元開報

濟寧道僉事方兆及濟地當南北要衝鳩  
工僭運銳意興釐河漕有賴而軍務絡  
繹供億不窮尤足徵其幹濟係山東布  
政使周天裔開報

大名道僉事許熙宇督疏衛流而運渠克  
濟捐置營械而漕汎有資至所屬河銀  
尤能先期嚴催盡數完解係北河分司  
楊毓蘭開報

懷慶府知府彭清典修堤植柳克勤河政

而椿木一項通省各工取辦懷屬更能如期督解可爲急公表率係河南管河道荆世爵開報

應薦有司十員

開封府南河同知崔維雅瀕河之荒度必周鳩役之怨勞不避至於搶救槐疙疸露宿竣工勤勞尤爲難泯係河南布政使徐化成開報

開封府北河同知王鎮區畫修防精詳慎

茲而率先群夫其苦與共洵云心力俱  
勞係河南管河道荆世爵開報

揚州府船政同知孔貞來分置淮浦王公  
堤清河口高家堰俱屬運道要害借箸  
董理任事維勤成勞歷歷可紀係揚州  
道杜濬開報

兗州府張秋捕河通判呂振之疏濬深通  
漕艘賴以飛輓鎮城一帶督理繕葺亦  
覺煥然改觀係東兗道張弘俊開報

揚州府管河通判趙鼎新河漕水利修舉  
廢墜無不悉心擘畫而艱瘁不辭尤見  
任事之勇係揚州道杜濬開報

河南府推官黃綬除弊懲奸河蠹歛迹夫  
食編徭尤能加意稽覈涸冒悉清係河  
南布政使徐化成開報

揚州府推官王士禎清釐河餉嚴剔蠹胥  
一切河工號件無不先勞從事而品騭  
尤能詳慎係揚州道杜濬開報

寶應縣知縣王仝春徵調有方漕河利賴  
復能究心水利誠河干之能吏也係揚  
州府推官王士禎開報

偃師縣知縣遲煊夫無逋逃工無曠缺河  
銀柳料更能輸解如期係河南布政使  
徐化成開報

魚臺縣知縣徐之鶴運道界兩湖之中不  
動帑金而備樁固堤克濟牽輓係濟寧  
道方兆及開報

應薦佐貳四員

兗州府經歷宋濬委督挑河勤勞克著係  
兗州府知府王全忠開報

商丘縣縣丞陳士性堵塞決工盡心底績  
係睢陳道柯士芳開報

館陶縣主簿楊振率夫溶河克勤乃職係  
北河分司楊毓蘭開報

考城縣典史李蘭馨委收柳料勤慎急公  
係管河道荆世爵開報以上各官所當



薦楊以備叙錄者也

應劾官五員

西華縣知縣王鎮寰

一本官怠玩成性該縣原派協濟儀封柳梢六千七百餘束二三月提催藐玩不前延至六月中始陸續運到

一本官馭下無法該縣協濟祥符封丘北岸河夫共七十八名五月中旬始到工所屢次報逃催提不應如聾如

贖係河南布政使徐化成揭報

豐縣知縣陳祖煥

一本官年將衰邁吏治廢弛河工急需  
呼應罔効

一本官領過本年料銀及十七年未完  
料價共四百二十八兩零應辦柳三  
萬六千九百三十五束屢次嚴催尚  
欠柳一萬六千八百餘束未完係淮  
徐道項錫胤揭報

鄒縣縣丞吳正

一本官足跡不至泉所該管淵源柳青  
三角灣等泉土淤草塞幾爲平地亦  
竟不知

一本官曠廢職掌節經申飭從無隻字  
回報

一本官泉流入泗之處聽士民爭疏爭  
塞既不報明亦無管攝視若他人之  
事係南旺分司張有光揭報

堂邑縣主簿王道行

一本官所轄河道並不關心以致挑河之時各夫偷安工程多誤

一本官性耽懶惰委靡不振詢以工程丈尺該管夫數茫然不知係北河分司楊毓蘭揭報

儀封縣主簿龔光美

一本官景逼桑榆血氣已衰繁苦之地難以勝任係河南管河道荆世爵揭

報以上各官所當分別議處者也伏  
乞

勅部再加覆覈如果臣言不謬將楊毓蘭等酌量叙錄  
王鎮寰等分別議處庶勸懲聿彰河事有賴矣

順治十八年十一月  
日題本月十七日奉

旨吏部知道

遵例考滿疏

奏爲遵

例考滿事照得內外各官歷俸三年俱令考滿先經吏部題

准欽遵在案該臣現年四十歲浙江義烏縣人叨中丙戌科進士洊歷中秘繼濫佐銓順治十四年七月十九日欽奉

上諭陞兵部尚書兼都察院右副都御史總督河道提督軍務十月初八日到任十五年二月初七日丁

母憂奉

吉在任守制十六年七月內吏部爲搶修險工告竣等  
事一疏因遺落料值等字部覆罰俸三個月奉  
吉着免罰俸十六年十二月內該臣奏爲微臣祥禪已  
近等事奉

吉特准暫假扶櫬歸葬臣隨於十七年二月二十五日  
交代離任十七年四月內吏部爲欽奉

上諭事一疏甄別督撫奉

吉照舊供職又爲申報坍塌城垣等事一疏因捐助城

工奉

旨紀錄一次嗣臣於十七年五月內服闋十二月初三

日遵

旨復任十八年四月內吏部爲各屬勸賑事竣等事一

疏因賑濟饑民奉

旨加太子少保五月內吏部爲

奏銷雕寧等事一疏因土方數目互異奉

旨罰俸六個月十一月內吏部爲遵

旨自行回奏事一疏因察議楊西符一案不明部議罰



俸一年削去紀錄一次免其罰俸奉

旨依議欽遵在案自順治十四年十月初八日起至十七年二月二十五日止連閏共二十九個月零十七日又於十七年十二月初三日起至康熙元年正月十七日止連閏共十四個月零十三日除罰俸六個月不筭外前後通計實歷過正二品俸三年零二個月例應考滿伏念臣駑鈍凡材謬荷

世祖皇帝破格知遇畀以總河重任雖切奮報之志終深短綆之慚數載以來日夕惴惴嘆乾則淺阻是患

漲潦又衝潰是虞第勉效補偏救弊之圖實莫解  
勞民傷財之戾雖仰賴

國家如天之福洪流獲免於汎濫漕艘未至於後期  
總皆徼倖使然安有寸長足錄况考功有議猶蒙  
宥過之慈循分無奇

特加晉秩之寵受

恩徒深而涓埃莫效歷時愈久而愆咎彌增此臣於黜  
幽

大典誠有寤寐省循難以自恕者也至臣居憂日月尤

屬尸素但既係蒙

恩食俸三年考績原有定期謹循例具疏仰塵

睿鑒伏乞

勅部嚴加考覈特行罷斥以爲溺職者戒臣無任惶悚

待

命之至

康熙元年二月  
■日題本月十六日奉

旨朱之錫着復職應得恩典察例具奏

吏部覆前疏

題爲遵

例考滿事該本部覆考功清吏司案呈奉本

部送吏科抄出該河道總督朱之錫題前事等因  
奉

旨朱之錫着復職應得恩典察例具奏欽此欽遵抄出  
到部查得順治十三年十月內四川巡撫李國英  
三年考滿奉

旨加太子太保廕一子入監讀書又查順治十八年八  
月內奉

海國圖志 卷之二十三 三三  
旨三品以上官員考滿照滿官例給與應得誥命緞疋  
羊酒其廕子入監着停止今河道總督朱之錫奉  
有着復職應得恩典察例具奏之

旨應照例

賜羊酒給與應得

誥命表裏各三疋察本官見係太子少保兵部尚書應  
否加銜出自

上裁奉

旨朱之錫賜羊酒給與應得誥命表裏各三疋

河防疏畧卷之十四

義烏朱之錫梅麓甫著

闕里屬員孔貞來元起訂  
稽山後學徐 沁埜公輯

呈報石香爐決工疏

題爲呈報河勢坍塌情形事康熙元年五月初七日  
據兗西道魏紹芳呈據兗州府管理黃河同知倪  
綿祖呈稱曹縣境內黃河石香爐一工大溜北倒  
竟成頂衝去歲五月內將潭坑南面新大堤坍塌  
勢如剝膚卑職遵蒙屢檄嚴督該縣多方設辦於

大堤內備堤繆家莊前二次共下過埽九十箇又將備護二堤加幫高厚先經完工呈報在案嗣蒙本道率同卑職等相度形勢雖備堤東北有護堤一道然不能包過南面河頭且備護二堤止能防出漕泛水不能禦其從底掃刷議於安家莊後創築大月堤一道計長八百丈後正在督夫僱築河勢忽又上提仍不能包過河頭於月堤南頭又續估堤工六百丈前後估工共長一千四百丈調集曹州金單等縣并縣額夫築做未敢請動錢糧嗣

以工大夫少具詳允集鄉夫一千名畫地分工多方勸勞晝夜僨做幸於四月二十日告竣訖不意南岸生灘洪流盡走潭坑之內套灣距備堤僅二十九丈自四月十二日起至二十七日止先後共坍去二十七丈節次揭報在案緣蒙總河部院檄催設備埽料將新堤護埽備堤裡面加幫派撥防守等因卑職隨於新堤東頭一段長五百丈地勢低窪喫緊之處估護埽一層計一百箇業蒙詳允捲下併在備堤幫築防守間於四月二十八日卯



時起至二十九日丑時止又塌進一丈五尺將去年備堤南面護埽塌去五箇并堤坍去五尺卑職督同人夫在於新堤星夜下埽備護忽於五月初一日巳時起至申時止黃水陡長五尺五寸又酉時起至初二日辰時止又長三尺共長八尺五寸將備堤坍斷水入新築月堤之內卑職率夫於新堤根加套埽箇并多編風埽奈水湧聚比堤高尺餘於新堤東頭漫開水口一十八丈將口間新下埽坍去幸而水口現深止八九尺但恐變遷難定

除現今星夜集夫二千餘名分散採柳竭力堵塞  
外卑職自去冬至今身親畚鍤拖泥帶水設辦物  
料兼工搶築未敢時刻少懈委係水從堤底搜塌  
又兼高過漫水實非人力可爭相應據實飛報等  
因又據曹縣申同前事各等因到道據此該本道  
看得曹縣石香爐南岸生灘逼水直射套灣備堤  
坍塌已近本道親詣勘度恐不能保隨於後面估  
築月堤以包全勢不避勞怨糾集鄉夫晝夜僱工  
四月甫成而備堤搜塌愈急復經遵檄下埽搶護

不意水長八尺五寸刷透備堤新堤之內積水高出遂致浸漫水口十八丈本道卽刻單騎馳赴石香爐親督下埽刻期堵塞不致遲悞外所有漫決緣由相應飛報等因到臣該臣看得曹縣黃河石香爐一工大溜北衝坍塌日急臣屢經嚴檄一面幫護外堤一面搶築內堤一千四百丈並預捲埽箇以防不啻諄且切矣據報新堤甫經告竣設辦椿柳捲下護埽而水汛驟長外堤河頭已從地底攻刷衝至新堤以致漫決雖洪流暴漲洶湧

難支而經營之黃河同知倪綿祖曹縣知縣陳澄  
心主簿陳方併督催之兗西道魏紹芳職守攸存  
疎虞之咎臣實不能爲之寬也除臣現今馳赴勘  
閱仍嚴飭各官星夜堵築外相應照例

題叅伏乞

勅部分別議處施行

康熙元年五月

日題本月

日奉

旨倪綿祖等議處具奏該部知道

董口閉壩疏

題爲呈報水勢事康熙元年五月十三日據淮徐道  
項錫胤呈據淮安府分管邳宿河務同知張四維  
揭報董口黃水泛漲侵口倒灌見在進埽閉壩緣  
由到道據此除一面行令該廳嚴督卽河各官齊  
集人夫物料相機捲埽堵禦以防沙淤外本道慮  
恐耽延隨即單騎星赴董口料理擬合呈報等因  
又據中河分司劉世豸呈據宿遷縣主簿杜榮春  
揭報本月初二日黃水漲五寸一夜復漲一尺五

寸又兼西南風揚波迴溜侵口倒灌隨率夫星速  
搶做下過馬頭埽四箇見在進埽閉壩等情到司  
該本司星馳至董口帶領河官并埽手逐段探量  
頭壩內水深五捺二壩以上水深六捺三壩以上  
水深七八捺不等率夫晝夜進埽已於初四日閉  
合龍門訖俟黃水稍落相機開壩另報外擬合呈  
報各等因到臣該臣看得黃運交滙之區黃強清  
弱濁沙倒灌斷所不免今歲運河以去年久旱來  
源未免細微猶幸多方疏導船行無阻不意黃泥

漲發甚早董口先於四月初五日據報倒灌築壩  
已完隨于初七日黃落清勝壩幸衝開臣復嚴檄  
另築預備以防再漲去後而南河司道亦報黃灌  
清口時長時消臣旣恐黃落淤塞運河而彼係順  
流與董口形勢不同時當糧艘盛行若一築斷則  
沙停壩外亦費疏通非可屢啓屢閉事屬兩難臣  
一面嚴檄司道酌量溶防一面尅期南巡而曹縣  
黃河忽有漫決之報臣復兼程西馳今於工所復  
據該司道報稱五月初二日董口黃水又漲已於

初四日閉壩訖雖口外糧艘不無姑待然不築壩  
暫遏則濁沙浸入立成淤澱卽欲勉強行船亦不  
可得此固有不得不然者也臣現在山東曹縣勘  
閱黃河除先經差官守催南河司道勘計清口形  
勢併一面嚴飭中河司道各官駐守董口相機開  
築務期設法濟運外所有董口閉壩緣由相應題

奏伏乞

聖鑒施行

康熙元年五月



日題本月



日奉



旨該部知道

河防疏畧

卷之十四

七

寒香館

曹工黃水陡漲疏

題爲黃水陡漲衝埽侵堤萬分危急事康熙元年五月十八日據兗西道魏紹芳呈據兗州府管理黃河同知倪綿祖呈稱曹縣石香爐新堤衝漫決口量寬十八丈已經呈報在案卑職晝夜督率官夫下埽堵塞奈原備護埽物料有限雖設法採辦難以足用幸蒙本部院本道親蒞嚴督夫車物料漸集查自五月初二日起至十五日止西壩共下過沉水廂邊埽三十八箇東壩共下過沉水廂邊

肚埽二十三箇止剩金門八丈水勢平緩又恐龍門一閉水積金堤莫支正議沿堤捲埽於本月十五日大河水長二尺堤根俱有漫水卑職慮恐衝埽傷堤隨於兩壩捲埽套墊并於新堤套護編立風埽間忽於十六日丑時黃水又漲二尺有餘急溜洶湧將西壩邊埽衝去三箇壩工平墊幸而退後套埽方能保守其東壩原係水勢直趨之處又兼水至護堤灣回溜夾攻極力套壓竟不能保致將埽箇盡行衝去目今新堤一帶前水落露灘之

區俱係水浸見在逐節分汛晝夜防守并有水滲之處立刻填塞外但決口已成大溜不惟急切未能期効竊恐龍門愈窄水勢愈急新堤又生別患除一面於東壩亟下裹頭埽箇使堤不坍塌西壩加埽套壓保守壩基仍須將新堤一千四百丈已下埽者急行加埽未下埽者作速搶下沿堤有備然後於決口相機進埽方爲萬全之計但應用物料浩繁雖該縣柳束採取尚稱不乏而各料猶需買辦且本縣夫少力疲實難濟事伏乞本道轉詳

總河部院照例請派協濟夫車量行估計俾夫料畢集兼工賃做方克奏功若專指該縣夫料顧彼失此終恐貽誤況伏秋立至危在旦夕倘致新堤再潰外無抵塘洪流散漫奪河妨運卑職等固不足惜其所關於

國計民生匪淺鮮矣事千萬分緊急相應激切呈請等因到道該本道先提石香爐報決隨即卑騎赴工相視決口水勢平漫壩頭已護逐日坐駐工所督催下埽忽於十五十六兩日水長四尺有餘衝

射金門排山倒海本道暨廳印官督率官夫極力  
套壅無奈水勢愈漲搜刷壩根底埽搖動西壩幸  
而保全東壩悉被衝去探量金門水已深不可測  
萬分洶猛智力俱窮此固本部院所躬親目擊者  
爲今之計惟有添夫集料應護者護應套者套應  
再加幫者盡數加幫惟是曹縣獨力難支除另具  
詳請照別省小工之例於隣近州縣量派協濟并  
應用物料俟守催該廳酌估另詳外本道惟有拮  
据盡瘁督率廳印等官晝夜堵防以庶幾人定勝

天而已所有黃水復漲情由相應呈報等因到臣  
該臣看得曹縣石香爐黃河潰決道廳印河各官  
均屬疎虞臣已據報繕疏

題叅在案隨於本月初十日馳至工所查勘決口西  
壩已經護埽水勢雖微然時迫伏秋漲發不測臣  
憂心如灼當督飭道廳等官加夫措料晝夜儆工  
十五日據該廳稟稱決口金門止剩八丈乃十五  
十六兩日之間水汛果長急流湍猛衝掃護埽漸  
濶漸深臣日擊心駭一面督令退後裹護一面稟

圖保護全堤閉塞決口之計據該道詳稱需用夫料該縣獨力難支議照別省小工隣縣協濟之例酌調濟急誠屬萬不容已猶幸境內柳株不乏尚可採用但東省黃河連年工簡較之河南習經塞決工多夫衆可以移緩就急者勢甚懸絕誠恐夫料不湊因循日久收拾愈難除臣已經檄行該道轉行該廳所轄六州縣量協夫車採運柳料次第築做如有怠玩從事者容臣叅

奏議處其工程料物一應數目另俟詳到題



報目今河南江南各屬黃河處處告急但此工重大臣  
必駐守督催漸有頭緒方敢星馳沿河勘督除督  
飭兗西道廳料理決口其河南附近險工臣仍往  
來查勘併分頭嚴檄司道廳印官親駐河干加意  
防守外所有石香爐黃水復漲量調大車協濟綠  
由既經該道呈詳前來相應題

報伏乞

睿鑒施行

康熙元年五月二十三日題六月十六日奉

青工部知道

河防範畧

卷之十四

上

寒香齋

特叅河南南岸疎防各官疏

題爲特叅河南南岸疎防官員事康熙元年六月初三日據河南管河道荆世爵呈爲申報黃河水汛飛溢情形事本年六月初二日申時據開封府南河同知崔維雅揭報六月初一日未時據祥符縣稟據本縣軍河縣丞趙德弘報稱本月初一日丑時南岸步李塞並劉家店大河黃流飛漲兩處倒灣連前共漲水一丈一尺兩處漫堤而過各有丈餘查步李塞離大河二十里劉家店離大河十八

里等情到縣卑職隨即親詣河干督差快役催夫  
千有餘名辦柳者辦柳運土者運土極力搶救大  
約五日內易於報完等情據此卑職日來查問沿  
堤堡老水手人等咸云今歲河患非常二十年來  
不曾再見據沿河報險如中牟黃練集河流與遙  
堤相平蘭陽縣梁家埠口河勢激刷堤岸危急祥  
符縣辛莊河流激射與堤相平一覽臺河勢與堤  
無分高下槐疙疸時時報急職沿堤查催申飭印  
河官加意嚴防甚而步李寨並劉家店河勢倒灣

飛漲至一丈餘漫溢堤頭兩處距大河二十里十八里不等目今全力搶救務期數日報完斷不敢時刻遲延俟搶救完固另容申報外今將南岸危急情形並一時溢堤河患等情到道本道單騎親詣搶救外理合呈報等因據此續於本月十七日據該道呈稱遵蒙嚴檄隨即轉督廳印各官上緊堵築并查取各官職名去後續據南河同知崔維雅呈稱查看步李寨原係昔年衝潰過舊埽壩已經二十餘年今黃流飛漲又兼地勢低窪埽朽蟄

伏漫堤而過寬有三丈餘水深有二三尺不等卑  
職督催埽料夫役搶救兩晝夜於本月初三日築  
完已經揭報訖劉家店係蠟水小堤東北湖波無  
際西北一帶地勢頗高水漲丈餘倒灣傾聚線堤  
豈能支持溢決寬有四丈餘水深有三四尺不等  
自初四日督催埽料人夫搶救兩晝夜於本月初  
六日築完已經揭報訖目今兩工俱在壩上築做  
月堤堤外酌加邊埽風埽以防水汛約計五六日  
內俱報竣今將河勢情形並印河官職名擬合呈

報等情到道該本道查看得祥符南岸步李寨原  
係二十年前衝潰過舊埽壩年久埽朽今值黃水  
暴發浸泡蟄伏漫決過堤寬有三丈餘水深二三  
尺不等至於劉家店原係縷水小堤西北一帶地  
勢頗高東北湖波無際水漲丈餘倒灣傾聚縷堤  
一決寬有四丈餘水深三四尺不等二處丑夜濫  
決人力難施廳印河官疎防之咎固爲難辭幸而  
未成河患三五日內旋即堵塞完固今將決口寬  
深並疎防各官職名擬合呈報計開南河同知崔

維雅祥符縣知縣馬絳張軍河縣丞趙德弘據此  
又於六月十九日據該道揭據南河同知崔維雅  
報稱本年六月十四日亥時據中牟縣報稱大河  
堆圯黃練集遙堤坍斷大河水漲二尺卑職駐守  
堤岸見全河向堤內傾瀉情形危急隨率官夫在  
月堤殫力防禦理合揭報到道本道一面卽刻馳  
赴督率廳印河官埽手夫役相機在於月堤加意  
防禦外理合揭報等因據此又於本日據該道揭  
稱黃練集河勢堆圯坍塌危險萬分緊急本道於



十五日親詣星夜赴彼查勘搶救十六日午時行至萬勝集據該廳揭稱六月十五日未時據中牟縣揭報黃練集河水陡漲五尺汹涌異常水流堆擁比南月堤還高一尺勢如排山倒海將月堤東頭王家莊東潰陷處所約寬有五六丈人力莫救南岸水已漫流隨急督夫擡土搶救奈水漲不停堤頂過水等情到職卑職率卽河官并總河部院差官許世芳管河道委官白碧畫地分汛在月堤頭督催人夫燈籠火把沿岸防禦奈全河傾瀉溜

天水溢南堤擡土暫禦西激東撞勢難抵擋從王家莊東月堤下翻花水湧備極堵塞壅潰堤開月堤西頭一段長四十餘丈較之兩邊堤岸地勢原窪今水高堤一尺卑職同印官等督催人夫上面搶築加高但黃水飛漲一夜至辰刻漲至五六尺漫堤流過人力已竭呼天莫應俟水勢消落相機綢繆異常河患理合飛報等情到道除星馳赴工外俟查勘情形另報等因據此又於六月二十日據該道揭報本月十五日定更時分黃練集王

莊東南月堤又潰一處約寬有三四丈除一面督  
令廳印河官集夫辦料俟水漸消興工上緊堵塞  
等因據此該臣查據文內原估埽箇曾否捲下併  
衝決日期各官職名開報含糊當卽嚴行查報去  
後今於本月二十四日據該道呈據該廳呈稱查  
得元年原估月堤一千一百丈不計錢糧所計邊  
埽八十五箇備護月堤原慮遙堤河勢侵埽臨時  
相機酌下埽箇是以遙堤未潰之先在內月堤不  
敢輕下邊埽蹈糜費之咎不意於六月初十日戊

時河勢忽變堆圉掃灣坍塌異常至十四日共蹋去四十餘丈逼近遙堤隨行蹋斷刻刻危險卑職突值危急河患率卽河各官在月堤分汛防禦看兩頭地勢窪處捲下護埽十三箇但十五日辰刻河水陡漲五尺全勢傾注止有進路並無去路南月堤一處漫溢東月堤兩處潰陷人力已竭勢難抵禦幸至十九日河勢漸走北岸二十二日卑職親看遙堤刷斷處所漸漸搭沙南堤口河流淤淺東南堤口水溝淺窄東北堤口水溝亦深不過三

尺月堤內外俱露沙灘俟七月中旬後秋水少定  
次第築修工完之日另行呈報今蒙行查一一據  
實回報等情到道據此該本道查看得黃練集河  
勢危險本道屢行嚴飭廳印河官幫築捲下期保  
萬全因河勢北流不敢輕糜錢糧奈黃流頃變暴  
發洶湧異常有非人力所能勝者然典守攸在職  
與廳印河官均難辭責所有疎防職名開封府南  
河同知崔維雅中牟縣知縣朱之翼管河縣丞惠  
文彥一併開報除一面嚴督星夜集夫辦料上緊

堵塞外但慮秋水漲發難以定限俟水勢稍定極力築修工完另行呈報等因到臣該臣看得伏秋水長落不常臣預料今歲節序較早又因河防水候驗之春汛水長一寸則伏秋約長一尺先據北河同知報稱清明水長二尺臣節次嚴飭各屬司道等官一應估修各工務期及早築堤相機堵埽并境內兩岸舊堤力行風雨晝夜四防官民二守之法倘河勢驟變仍隨機撥護以保無虞不啻嚴切再三矣乃臣於曹縣工所初三日忽接河南

祥符縣步李寨劉家店初一日漫決之報適同時  
接據中河分司呈報邳州張家灣攻透重堤黃水  
逆流灌入清水舊河已逼護城堤下此處北岸緊  
隣加河倘有疎虞恐阻運道臣一面將曹工事宜  
備開單目特發

令旗守催道廳并調運河同知赴工協同料理一面  
移咨河南督撫臣就近督飭仍行管河道廳等官  
刻期堵塞并查取決口確實情形各官職名去後  
而臣隨卽策騎南下途次復接宿遷直河遙堤坍

塌潰黃相抵報文臣心膽欲碎兼程抵邳幸司道  
在工謹守城堤未致北潰仍立飭添夫集料多方  
防救并搶築直河小月堤一道以免黃水侵運復  
發

令旗守催司道駐工相機督理臣仍自邳回曹并赴  
河南勘閱行至徐州據河南道廳揭報步李寨劉  
家店兩工已於初三初六日幸而堵築及至定陶  
而黃練集十五日決口之報又至矣臣於二十三  
日抵汴查步李寨劉家店漲水全耗兩口俱已堵



完但加築護口月堤工尚未竣至於黃練集一工  
所佔埽箇據稱前則以遙堤之外河勢未坍新堤  
未行捲護繼於數日之間河流環掃遙堤塌陷搶  
護新堤則已無及雖河變汛速然審度綢繆之謂  
何道聽卽河各官疎防之咎均屬難逭查步李寨  
劉家店兩工經管卽河官則祥符縣知縣馬絳張  
軍河縣丞趙德弘黃練集一工經管卽河官則中  
牟縣知縣朱之翼管河縣丞惠文彥經管廳官則  
開封府南河同知崔維雅而管河道荆世爵則實

有督催之責者也除臣一面嚴飭各官僉築祥符  
月堤并籌計夫柳堵塞黃練集決口其黃練集原  
估埽料見存數目臣已一面確覈并勘過決口情  
形容臣另疏具

題外所有疎防各官相應

題叅伏乞

勅部分別議處施行

康熙元年六月二十六日題七月二十日奉

旨馬絳張等着議處具奏該部知道

續報黃練集決口情形疏

題爲續報親勘黃練集決口情形事案照黃練集新堤潰決已經特疏

報叅在案臣一面確查并督率道府廳縣各官詣工逐一探閱嗣據管河道荆世爵呈據開封府南河同知崔維雅呈稱黃練集河勢六月十五日以前全河傾注堆圉掃灣坍塌遙堤刷斷洶湧滔天月堤一處溢流兩處潰陷至十九日以後大溜北開決口漸搭淤沙今議口門外水溝相機鋪埽牛上面

築月堤底八丈頂四丈高一丈二尺所用柳草芟  
纜係夫採辦樁蔴車輛本縣自備不計錢糧其月  
堤原估存廠物料如用應在月堤內捲下邊埽完  
日報銷如不用留下年估計決口不敢支用等因  
到道據此本道覆查得黃練集堆因掃灣坍塌遙  
堤剝斷水至月堤飛漲泛濫月堤猛潰幸大溜開  
走北岸決口漸搭淤沙口門外鋪捲埽牛築坐月  
堤需用料物採辦設備原估物料仍於月堤捲護  
完日開銷如或不用另行估用等因到臣該臣等

得今歲黃河湧漲歷年罕有南北兩岸無不幾幾  
平堤甚有搶築子堤幸而捍禦者而河南北岸如  
陽武之姜家莊祥符之廩門前貫臺考城之王家  
道口孝城集或俄頃變遷震撼無定或立透重障  
僅保內堤此皆北趨天津故道尺寸疎虞便成大  
患臣兩月以來蓋無日不魂驚膽墮也至若黃練  
集新堤潰決道廳各官職守攸存自難辭咎而以  
全河論之幸在南岸復處上流漲水旁分北岸貼  
危猶得藉以少殺乃臣所慮者黃練集大河自去

歲南侵埧斷老堤月堤牛角堤估築遙堤未幾而  
埧塌漸近復於堤後亟築月堤五月以前屢據呈  
報河勢平定忽於六月初十日後數日之間塌斷  
遙堤而新堤遂不克守夫以全河倒灣之勢潰溢  
而南塞決之工斷非容易及臣登舟親探遙堤之  
外忽成檻限大溜反徙北岸攻刷東下月堤決口  
漸已搭沙此實仰賴

國家洪福有非人謀所可計料者也臣已行令道廳  
各官調集額夫採辦草柳等料勒限築塞刻期可

竣無庸另行估計至於本工原估護根草埽八十五箇前據報已下十三箇現在月堤其未用埽料若秋水漸綿仍行節存據實報銷留爲下年估用可也除一面嚴督興工外所有勘過情形相應題報伏乞

睿鑒施行

康熙元年七月初九日題八月初五日奉

旨工部議奏

工部覆前疏

題爲續報親勘黃練集決口情形事工科抄出該本部覆總督河道朱之錫題前事等因奉

旨工部議奏欽此欽遵於八月初六日抄出到部該臣等看得總河臣朱之錫疏稱黃練集新堤潰決臣登舟親探大溜反從北岸決口漸已搭沙行令道廳各官集夫勒限築塞刻期可竣至於本工原估早埽八十五箇已下十三箇現在月堤其未用埽料若秋水漸綿仍行節存留爲下年估用等因具題前來相應仍請



勅下總河臣嚴飭各官勒限築塞其本工未用埽料應  
於工完之日造冊報查可也奉

旨依議行

河防疏畧

卷之十四

十四

寒香館

水患延袤數省疏

題爲水患延袤數省分理河務需人特

請嚴飭責成以圖共濟事竊照今歲陽侯肆虐自夏徂  
冬北直河南山東江南無時無地不以巨浸稽天  
懷襄澤洞之勢頻呼疊告臣數月以來雖焦唇繭  
足差檄四馳而無如百川交漲人力之經營已瘁  
天河之汎濫無休猶幸河南新潰各堤分頭督責  
已經補築尚有武陟沁河之下封村中牟黃河之  
黃練集二處雖塞工易施必須夫料輻輳晝夜兼

工方可尅期底績且南北兩岸頃經秋水創殘之後河身改徙新險倍增來歲之防急宜預計各府廳官固係分內職掌而管河道荆世爵已經降調呼應不靈深恐貽誤除臣仍嚴飭該道勉力振作料理候代但河道遼濶事緒繁多地方監司原有責任臣復行河北道吳柱分守大梁道王來用新任睢陳道蔡含靈同心協力各將所轄境內河道勘度鳩僦期於克濟倘有疎誤一體

題叅至山東石香爐一工臣駐工數月督集夫柳漸

有成緒不期八月異常水勢已成之壩套壑層層  
東壩復變頂衝隨護隨蟄無有底止費料已屬不  
貲且溜射決口一日數變淺處皆深工程料物全  
藉廳官董理而原任黃河同知倪綿祖經臣

題叅復緣別案解任雖已檄行該道遶委單縣知縣  
韓第代署臣復多方鼓勵頗著成勞然事屬兼攝  
未免分營所尤難者該管道官所轄不過數縣夫  
柳各項不得不取之附近協濟該道緣事關區屬  
未免威令難行而州縣印官又以徵夫問料無非

歛怨任勞之事其間急公如歸德府知府宋國榮  
商丘縣知縣劉之驥督採小柳三十萬源源濟工  
署豐縣事沛縣知縣郭維新採運大柳五萬咄嗟  
而辦固亦不乏其人然抗玩推諉一夫不出如滕  
縣知縣李含菴者不一而足容臣另疏甄叙勸懲  
外近又江南一帶桃宿淮揚所在漫溢臣一面頒  
發

令旗嚴督該司道赴工搶修所有水勢情形一面勘  
確另

報第臣欲坐守曹工則長河千里顧此失彼若舍之而南又恐飭催無人夫料渙散萬一坐失三冬轉盼桃汛不特收拾倍難必致前功盡棄此臣不得不鯁鯁過慮者也今一切應添夫料臣已規畫粗定合無仰請

皇上軫念河工重計無論隔省隔屬附近協濟曹縣夫料州縣暫許該道徑自詳明移行提催如有抗玩揭報叅處庶事有責成人心悚惕決工告竣有期而臣分身南巡亦得免於却顧之懼矣伏乞

勅下工部議覆施行

康熙元年十月十六日題十一月初一日奉

旨該部議奏

工部覆前疏

題爲水患延袤數省等事工科抄出該本部覆總督河道朱之錫題前事等因奉

旨該部議奏欽此欽遵抄出到部該臣等看得總河臣朱之錫疏稱今歲自夏徂冬北直河南山東江南無地不以巨浸疊告但河道遼濶事緒繁多臣復

行河北道吳柱大梁道王來用睢陳道蔡含靈同心協力期於克濟至山東石香爐一工全藉廳官董理原任同知倪綿祖別案解任雖已檄行該道遴委單縣知縣韓第代署然事屬兼攝未免分營所尤難者夫柳取之附近協濟該道緣事關隔屬未免威令難行今一切應添夫料無論隔省隔屬協濟曹縣夫柳州縣暫許該道徑自提催如有抗拒揭報叅處等因具

題前來河務緊急所有各州縣協濟曹縣夫料暫許



該道提催完工可也奉

旨依議